

समां - 12:25 hrs.

<><><><><><>

CM Cheque

मुख्यमंत्री उमर अब्दुल्ला होरें जम्मू-कश्मीर च हाड कन्नै प्रभावित इलाकें ते पीढितें लेई दिती जा रदी मदद च भारतीय युनियन बैंक आसेया इक करोड रपे दे जोगदान देने लेई आभार जताया ऐ। इस चैक गी औपचारिक तौरा उप्पर सिविल सचिवालय श्रीनगर च मुख्यमंत्री होरें गी सौंपेया गया। उनें आखेया जे इसदे कन्नै जारी राहत ते पुर्नबहाली आहले कम्में च मदद होग। तोंआई एम.एल.ए बनिहाल सज्जाद शाहीन ते एम.एल.ए. Budhal जावेद इकबाल होरें मुख्यमंत्री हु'दे कन्नै मलाटी करियै अपने इलाकें दियें बक्ख-बक्ख विकास सरबन्धी मुद्दें पर चर्चा कीती। मुख्यमंत्री उमर अब्दुल्ला होरें उनेंगी भरोसा दोआया जे कीती गेदी चर्चाएं ते पुट्टे गेदे मसलें दा तौले गै हल कीता जाग।

<><><><><><>

India Pak UNHRC

भारत नै संयुक्त राष्ट्र मानवाधिकार परिषद च पाकिस्तान दी सख्त नुक्ताचीनी कीती ऐ जे ओह भारत खिलाफ बे-बुनियाद ते भडकाऊ ब्यानै कन्नै इस मंच दा गलत इस्तेमाल करा करदा ऐ। संयुक्त राष्ट्र मानाधिकार परिषद दे 60में इजलास च बोलदे होई जिनेवा च संयुक्त राष्ट्र च भारत दे स्थायी मिशन दे Counselor “क्षितिज त्यागी” होरें आखेया जे पाकिस्तान गी भारत दे उ'नें इलाकें जिन्दे पर उनें नजैज कब्जा कीते दा ऐ गी अपने कब्जे च रखने दी कोशिश दे बजाय उनेंगी खाली करना लोडचदा ते अपनी अर्थव्यवस्था गी बचाने पर ध्यान देना चाहिदा कीजे ओ अखीरी साह लै रदी ऐ। उनें एह बी टकोदा कीता जे पाकिस्तान च लम्में चिरे थवां राजनीति पर फौजी दबदबा रेया ऐ ते डराने-धमकाना ते कन्नै दागदार

मनुक्खी अधिकारें दा पाकिस्तान दा रिकार्ड ऐ। त्यागी होरें अगगे आखेया जे पाकिस्तान गी आतंकवाद दे निर्यात, संयुक्त राष्ट्र दे प्रतिबांधित आतंकवादियें गी पनाह देने ते अपने गै लोकें पर बम्बारी करने थमां हुन परहेज करना लोड़चदा।

<><><><><><>

Sewa Parv –JK

“सेवा पर्व” गी मनाने दा सिलसिला पूरे जम्मू-कश्मीर च जारी ऐ, जम्मू संभाग दे बक्ख-बक्ख जिलें च पैहलकदमियां कीतियां जा रदियं न। “सेवा पर्व”दे कल 7में ध्याड़ें मुख सचिव अटल डुल्लु होरें कश्मीर घाटी च गांदरबल जिला अस्पताल च बड़े पैमाने पर सेहत शिविर दा उदघाटन कीता। इसै गैं तैहत रंजौरी दे सब्भनें 6एं ब्लाकें च बी “स्वस्थ नारी-सशक्त परोआर” मुहिम तैहत 4 विशेष चिकित्सा कैम्पें दा आयोजन कीता गया। इयां गै रियासी ते डोडा जिले च बी साफ-सफाई सरबन्धी अभियानें ते सेहत सरबन्धी गतिविधियें दा सरिस्ता कीता गया। रामबन च भिडु पालन मैहकमे दे राएं विशेष सेहत शिवरें ते जागरुकता अभियानें दा आयोजन कीता गया।

<><><><><><>

Prog. Announcement

आकाशवाणी दा क्षेत्रीय समाचार एकांश जम्मू “सेवा पर्व 2025” दे सिलसिले च आत्मनिर्भर भारत विषय पर 30एं मिनटे दी इक विशेष परिचर्चा प्रसारित करने जा रदा ऐ। अज्ज प्रसारत होने आहली इस परिचर्चा च स्टाडे परौहने होगंन, उद्योग ते बपार मैहकमे दे निदेशक अरुण मन्हास जेहड़े इस विषय पर तफसीली जानकारी देने दे कन्नो-कन्नी एहदे बक्ख-बक्ख पैहलुएं पर चर्चा करगंन। इंदे कन्नै गल्लबात करगंन समाचार कक्ष दे न्यूज एंकर। एह प्रोग्राम हुनै थवां किश चिर मगरा प्रसारित कीता जाग। इस प्रोग्राम गी तुस इसै

चैनल मीडियम वेव 303 मीटर यानि 990 किलोहर्ट्स ते एफ.एम. 100 इशारिया 3 मैगाहर्ट्स पर सुनी सकदे ओ।

<><><><><><>

GST Healthcare

सरकार नै नमें GST सुधारें गी लागू करी दिता ऐ। नमीं कर संरचना तैहत GST परिषद नै अ-प्रतक्ख कर प्रणाली गी 5 फीसद ते 18 फीसद दी 2 स्तहें आहली संरचना तैहत आन्नियै सौखा बनाई दिता ऐ। सेहत सरबन्धी ते जीवन बीमा दी किश्त पर हुन कुसै चाली दा टैक्स नेंई देना होग। 33 जीवन रक्षक दोआइयें पर कर नेंई लगगोग। दोआइयें ते मैडिकल उपकरण जियां पट्टियें ते Glucometers पर पैहले 12 फीसद टैक्स लगदा हा पर हुन एदे पर 5 फीसद दा टैक्स लगग। लोकें दा आखना ऐ जे इनें बदलाव कन्नै माली बोझ घट्ट होग ते सेहत सरबन्धी दिक्खभाल तगर पुज्ज होर बेहतर होग।

<><><><><><>

Amnesty Scheme

जम्मू-कश्मीर सरकार नै बिजली दे घरेलू इस्तेमाल सरबन्धी Amnesty स्कीम गी 31 मार्च 2026 तगर होर अगगे बदाई दिता ऐ। इस स्कीम तैहत उपभोक्ताएं गी तय समें अंदर बिल जमा करोआने पर कोई बी बाददू शुल्क नेंई देना होग। इस जत्त दा मकसद घरेलू उपभोक्ताएं दे माली बोझ गी घट्ट करना ऐ ते बिजली विकास मैहकमे दी बकाया अदायगी ते राजस्व गी बेहतर करना ऐ। योग्य लाभार्थी गी आखेया गया ऐ जे ओह अपने बिजली दे असल बिल गी इस तय अवधि च जमा करोआ। इस बारे होर जानकारी बिजली दी बंड सरबन्धी कारपोरेशन JPDCL यां PDD दफ्तर थ्वां लैती जाई सकदी ऐ।

<><><><><><>

Asia Cup India

मर्दे दे टी-20 एशिया कप क्रिकेट टूर्नामेंट च भारत दा मकाबला अज्ज सं'जा दुबई अंतराष्ट्री क्रिकेट स्टेडियम च बंगलादेश कन्नै होग। एह मैच भारती समें मुजब रातीं 8 बजे शुरु होग। इस मैच च जित्त हासल करने आहली टीम Final च अपना थाहर पक्का करोग। दौनें टीमें सुपर-4 स्टेज च अपना पैहला मैच जित्ती लैता ऐ। भारत नै पाकिस्तान गी इस टूर्नामेंट च दुई बारी हराया ऐ ते बंगलादेश नै श्रीलंका गी हराया ऐ।

<><><><><><>